



# **SLUŽBENE NOVINE**

## **OPĆINE MAGLAJ**

**BROJ**  
**8/24**

**Maglaj, 16.12.2024. godine**

„Službene novine Općine Maglaj“  
Izdaje: Služba Općinskog načelnika i Općinskog vijeća  
Općina Maglaj, Viteška 4, Maglaj  
Za izdavača: Maid Suljaković – Općinski načelnik Maglaj  
Tel.: 032/465-810; Fax: 032/465-817; E-mail: [vijece@maglaj.ba](mailto:vijece@maglaj.ba)

**AKTI OPĆINSKOG VIJEĆA****571.**

Na osnovu člana 42, 43, 45, 46, 47, 48. i 50. Zakona o prostornom uređenju i građenju Zeničko – dobojskog kantona ("Službene novine Zeničko – dobojskog kantona", broj: 17/23), i člana 18. Statuta Općine Maglaj-prečišćen tekst („Službene novine Općine Maglaj“, br. 8/07, 3/08 i 6/08), Općinsko vijeće Maglaj, na 1. redovnoj sjednici, održanoj 13.12.2024 godine, donosi

**ODLUKU****o pristupanju djelimičnoj izmjeni Regulacionog plana „ STARI GRAD ” Maglaj****Član 1.****(Vrsta dokumenta)**

Ovom Odlukom pristupa se djelimičnoj izmjeni Regulacionog plana “STARI GRAD” („Službene novine Općine Maglaj“, broj: 05/11) i Djelimične izmjene Regulacionog plana Stari grad ( „Službene novine Općine Maglaj“, broj: 06/24).

**Zahtjev Šečić Hajrudina iz Maglaja, po punomoćniku Advokatsko društvo HRNJIC I PARTNERI d.o.o. Žepče**

**Član 2.****(Granice područja za koje se dokument mijenja)**

Djelimična Izmjena odnosi se na korekcije Djelimične izmjene Regulacionog plana Stari Grad („Službene novine Općine Maglaj“, broj: 6/24) koja obuhvata područje I zone Regulacionog plana „STARI GRAD“ Maglaj, zemljište označeno sa k.č. broj: 1653 površine 574 m<sup>2</sup> k.o. Maglaj, posjednik Šečić (Mehmeda) Hajrudin sa dijelom 1/1, koje se nalazi u Starom Gradu, odnosno ulici Mustajbega Uzeirbegovića.

Korekcijama Djelimične izmjene Regulacionog plana „Stari Grad“ bi se vršile izmjene lokacijske pozicije planiranog stambenog objekta, dimenzija i namjene stambenog objekta u poslovno-stambeni objekat i izmjene utvrđene građevinske linije koja je određena na udaljenosti od 9,80 metara od planiranog trotoara novoplanirane proširene saobraćajnice -ulice Mustajbega Uzeirbegovića.

Lokacijska pozicija novoplaniranog poslovno-stambenog objekta dimenzija 12,0 x 12,0 + 6,13 x 2,55 metara spratnosti P+1 (prizemlje poslovna namjena + sprat stambena namjena) bi se pomjerila prema ulici Mustajbega Uzeirbegovića tako da bi se građevinska linija uspostavila na udaljenost od 2,50 metara od planiranog trotoara ulice.

Navedene djelimične korekcije ne utiču na ostalo planirano stanje djelimičnom izmjenom Regulacionog plana „Stari Grad“ i isto ostaje kako je to i prikazano u Prijedlogu djelimične izmjene, tekstualnom dijelu i grafičkim priložima.

**Član 3.****(Vremenski period)**

Vremenski period za koji se radi izmjena i dopuna Regulacionog plana je do važenja postojećeg planskog dokumenta prostornog uređenja („Regulacionog plana ”Stari Grad” Maglaj, broj: 05/2011 ).

**Član 4.****(Smjernice za izradu)**

Nosilac pripreme plana osigurat će Nosiocu izrade potrebnu dokumentaciju značajnu za donošenje izmjena i dopuna Regulacionog plana u skladu sa odredbama Zakona o prostornom uređenju i građenju.

**Član 5.****(Rok izrade)**

Rok izrade djelimične izmjene i dopune Regulacionog plana bit će određen Ugovorom između Nosioca izrade i Nosioca pripreme izmjene Regulacionog plana.

**Član 6.****(Sadržaj i postupak izmjene planskog dokumenta)**

Djelimična Izmjena Regulacionog plana “Stari Grad” sadržavat će dokumentaciju predviđenu Zakonom o prostornom uređenju i građenju.

Postupak izmjene Regulacionog plana provodit će se u skladu sa članom 50. navedenog Zakona, stav 1. (redovni postupak).

**Član 7.****(Javna rasprava i javni uvid)**

U skladu sa odredbama Zakona (člana 50. stav 1.) Nacrt izmjene i dopune Regulacionog plana stavlja se na javni uvid i javnu raspravu.

Dužina trajanja javne rasprave i javnog uvida izmjene Regulacionog plana, bit će određena u Odluci o usvajanju Nacrta izmjene Regulacionog plana.

**Član 8.****(Finansiranje)**

Sredstva za izradu Izmjene Regulacionog plana obezbjedit će Šečić Hajrudin.

**Član 9.****(Nosilac pripreme)**

Nosilac pripreme plana je Općinski načelnik putem Službe za urbanizam geodetske i imovinsko pravne poslove.

**Član 10.****(Nosilac izrade)**

Nosilac izrade izmjene Regulacionog plana bit će određen u skladu sa članom 45. Zakona o prostornom uređenju i građenju Zeničko –dobojskog kantona .

**Član 11.****(Stupanje na snagu)**

Ova Odluka stupa na snagu osmog dana od dana objavljivanja u „Službenim novinama Općine Maglaj“.

Broj: 02-04-1-1931/24  
Maglaj, 13.12.2024. godine

**PREDSJEDAVALA****Aida Bašić s.r.****572.**

Na osnovu člana 42, 43, 45, 46, 47, 48. i 50. Zakona o prostornom uređenju i građenju Zeničko – dobojskog kantona ("Službene novine Zeničko – dobojskog kantona", broj: 17/23) i člana 18. Statuta Općine Maglaj - prečišćen tekst („Službene novine Općine Maglaj“, br. 8/07, 3/08 i 6/08), Općinsko vijeće Maglaj, na 1. redovnoj sjednici održanoj 13.12.2024. godine, donosi

**ODLUKU****o pristupanju djelimičnoj izmjeni Regulacionog plana "NOVI ŠEHER" Maglaj****Član 1.****(Vrsta dokumenta)**

Ovom Odlukom pristupa se djelimičnoj izmjeni Regulacionog plana "NOVI ŠEHER" („Službene novine Općine Maglaj“, broj: 07/09).

**Zahtjev Šeherconi d.o.o. Novi Šeher iz Novog Šehera**

**Član 2.****(Granice područja za koje se dokument mijenja)**

Djelimična Izmjena Regulacionog plana obuhvata područje Regulacionog plana „NOVI ŠEHER“ općina Maglaj, zemljište označeno sa k.č. br. 24/2 površine 1915 m<sup>2</sup>, k.č. br. 25/3 površine 355 m<sup>2</sup> k.o. Novi Šeher, posjednik „Šeherconi“ d.o.o. Novi Šeher sa dijelom 1/1, zemljište označeno sa k.č. br. 27/4 površine 30 m<sup>2</sup> upisano u pl. br. 608 k.o. Novi Šeher, posjednik Meškić (Alije) Admir sa dijelom ½ i Meškić (Alije) Damir sa dijelom ½ i zemljište k.č. broj. 24/1 površine 2936 m<sup>2</sup> upisana u pl. br. 1137 k.o. Novi Šeher posjednik Zeničko – dobojski kanton sa dijelom 1/1, k.č. br. 27/5 površine 18 m<sup>2</sup> upisana u pl. br. 957 k.o. Novi Šeher posjednik Bašić (Ismeta) Aldin sa dijelom 1/1 i k.č. br. 27/7 površine 294 m<sup>2</sup> upisano u pl. br. 957 k.o. Novi Šeher posjednik Bašić Ismet Aldin sa dijelom 1/1.

Djelimičnom izmjenom Regulacionog plana, po zahtjevu "Šeherconi" d.o.o. iz Novog Šehera, bi se u odnosu na opredjeljenu namjenu po Regulacionom planu i planiranu izgradnju objekata Doma kulture, poslovnog objekta i parking prostora na navedenom

zemljištu izvršile izmjene namjene i razmjesta objekta, planiranih građevinskih linija i plana saobraćaja.

Djelimičnom izmjenom bi se umjesto navedenih planiranih objekata i planiranog prilaznog puta sa parking prostora, na navedenom zemljištu k.č. br. 24/2 opredjelila izgradnja poslovnog objekta na lokaciji postojećeg poslovnog objekta dimenzija cca 26,20 x 16,25 m spratnosti P+1, te u okviru ostalog navedenog zemljišta izgrađeni poslovni objekti izgrađeni u periodu 1981-1982 godine dimenzija 24,00 x 16,00 + 20,0 x 10,0 m spratnosti „P“, koji su Regulacionim planom Novi Šeher predviđeni za rušenje, zadržali sa statusom stalnih objekata.

Takođe bi se ovom izmjenom izvršile djelimične korekcije planiranog saobraćajnog rješenja tako što bi se postojeći prilazni put izgrađen preko zemljišta k.č. br. 24/1 i 24/2, koji se odvaja od regionlnog puta, a koji nije predviđen planskom dokumentacijom kao stalni prilaz izgrađenim individualnim stambenim i drugim objektima na ovom prostoru.

**Član 3.****(Vremenski period)**

Vremenski period za koji se radi izmjena i dopuna Regulacionog plana je do važenja postojećeg planskog dokumenta prostornog uređenja Regulacionog plana "Novi Šeher" Maglaj.

**Član 4.****(Smjernice za izradu)**

Nosilac pripreme plana osigurat će Nosiocu izrade potrebnu dokumentaciju značajnu za donošenje izmjena i dopuna Regulacionog plana u skladu sa odredbama Zakona o prostornom uređenju i građenju.

**Član 5.****(Rok izrade)**

Rok izrade djelimične izmjene Regulacionog plana bit će određen Ugovorom između Nosioca pripreme i Nosioca izrade izmjene Regulacionog plana.

**Član 6.****(Sadržaj i postupak izmjene planskog dokumenta)**

Djelimična izmjena Regulacionog plana „NOVI ŠEHER“ sadržavat će dokumentaciju predviđenu Zakonom o prostornom uređenju i građenju Zeničko-dobojskog kantona („Službene novine Zeničko-dobojskog kantona“, br.17/23).

Postupak izmjene Regulacionog plana provodit će se u skladu sa članom 50. navedenog Zakona, stav 1 (redovni postupak).

**Član 7.****(Javna rasprava i javni uvid)**

U skladu sa odredbama Zakona člana.50. stav (1), Nacrt izmjene Regulacionog plana stavlja se na javni uvid i javnu raspravu.

Dužina trajanja javne rasprave i javnog uvida izmjene Regulacionog plana, bit će određena u Odluci o usvajanju Nacrta izmjene Regulacionog plana.

**Član 8.**  
**(Finansiranje)**

Sredstva za izradu Izmjene Regulacionog plana obezbijedit će podnosilac zahtjeva „Šeherconi“ d.o.o. Novi Šeher.

**Član 9.**  
**(Nosilac pripreme)**

Nosilac pripreme plana je Općinski načelnik Maglaj putem Službe za urbanizam geodetske i imovinsko pravne poslove.

**Član 10.**  
**(Nosilac izrade)**

Nosilac izrade izmjene Regulacionog plana bit će određen u skladu sa članom 45. Zakona o prostornom uređenju i građenju Zeničko – dobojskog kantona.

**Član 11.**  
**(Stupanje na snagu)**

Ova Odluka stupa na snagu osmog dana od dana objavljivanja u „Službenim novinama Općine Maglaj“.

Broj: 02-04-1-1932/24  
Maglaj, 13.12.2024. godine

**PREDSJEDAVAJUĆA**  
**Aida Bašić s.r.**

**573.**

Na osnovu člana 64. Zakona o zdravstvenoj zaštiti („Službene novine Federacije BiH“, br. 46/10 i 75/13) i člana 18. Statuta Općine Maglaj – prečišćen tekst („Službene novine Općine Maglaj“, br. 08/07, 03/08/ i 06/08), a u vezi sa zahtjevom Isić Ume od 20.06.2024. godine i Obralić Adina od 13.11.2024. godine, Općinsko vijeće Maglaj na 1. redovnoj sjednici, održanoj 13.12.2024. godine, donosi

**RJEŠENJE**  
**o razrješenju dva člana Upravnog odbora JU**  
**„Dom zdravlja“ Maglaj**

**Član 1.**

Razrješavaju se dužnosti dva člana Upravnog odbora JU „Dom zdravlja“ Maglaj i to:

1. Uma Isić i
2. Adin Obralić

**Član 2.**

Ovo Rješenje stupa na snagu danom donošenja i objavit će se u „Službenim novinama Općine Maglaj“.

Broj: 02-04-1-1933/24  
Maglaj, 13.12.2024. godine

**PREDSJEDAVAJUĆA**  
**Aida Bašić s.r.**

**574.**

Na osnovu člana 18. Statuta Općine Maglaj – prečišćen tekst („Službene novine Općine Maglaj“ br. 08/07, 03/08 i 06/08), a u vezi sa članom 3. stav (1) tačka c) Odluke o postupcima, standardima i kriterijima imenovanja na pozicije u reguliranim organima Općine Maglaj („Službene novine Općine Maglaj“, broj: 02/17), Općinsko vijeće Maglaj, na 1. redovnoj sjednici, održanoj 13.12.2024. godine, donosi

**ODLUKU**

**o pokretanju procedure izbora i imenovanja dva**  
**člana Upravnog odbora JU „Dom zdravlja“**  
**Maglaj**

**Član 1.**

Donosi se Odluka o pokretanju procedure izbora i imenovanja dva člana Upravnog odbora JU „Dom zdravlja“ Maglaj, a shodno članu 3. stav (1) tačka c) Odluke o postupcima, standardima i kriterijima imenovanja na pozicije u reguliranim organima Općine Maglaj.

**Član 2.**

U skladu sa članom 1. ove Odluke, a na prijedlog Općinskog načelnika, Općinsko vijeće Maglaj će imenovati Komisiju za izbor na upražnjene pozicije dva člana Upravnog odbora JU „Dom zdravlja“ Maglaj, kako je to definisano Zakonom o ministarskim, vladinim i drugim imenovanjima Federacije BiH („Službene novine Federacije BiH“, br. 12/03, 34/03 i 65/13) i Odluke o postupcima, standardima i kriterijima imenovanja na pozicije u reguliranim organima Općine Maglaj.

**Član 3.**

Ova Odluka stupa na snagu danom donošenja i objavit će se u „Službenim novinama Općine Maglaj“.

Broj: 02-04-1-1934/24  
Maglaj, 13.12.2024. godine

**PREDSJEDAVAJUĆA**  
**Aida Bašić s.r.**

**575.**

Na osnovu člana 9. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13), člana 18. Statuta Općine Maglaj – prečišćen tekst („Službene novine Općine Maglaj“, br. 08/07, 03/08 i 06/08) i člana 13. Odluke o postupcima, standardima i kriterijima imenovanja na pozicije u reguliranim organima općine Maglaj („Službene novine Općine Maglaj“, broj: 02/17), na prijedlog Općinskog načelnika, Općinsko vijeće Maglaj na 1. redovnoj sjednici, održanoj 13.12.2024. godine, donosi

**RJEŠENJE****o imenovanju Komisije za izbor na upražnjene pozicije u Upravni odbor JU „Dom zdravlja“ Maglaj****Član 1.**

Imenuje se Komisija za izbor na upražnjene pozicije u reguliranom organu Općine Maglaj u sastavu:

1. Azra Čakrama, predsjednik
2. Ermina Hajdić, član
3. Ferhat Bradarić, član
4. Nasiha Bočić, član
5. Adi Spahić, član

**Član 2.**

Upraznjene pozicije u reguliranom organu općine Maglaj za koje je potrebno provesti proceduru je Upravni odbor JU „Dom zdravlja“ Maglaj.

**Član 3.**

Zadatak Komisije iz člana 1. ovog Rješenja je da shodno principima Zakona o ministarskim, vladinim i drugim imenovanjima Federacije Bosne i Hercegovine i Odlukom o postupcima, standardima i kriterijima imenovanja na pozicije u reguliranim organima općine Maglaj

- pripremi tekst oglasa za upražnjenu poziciju;
- objavi oglas u „Službenim novinama Federacije BiH“ i jednom dnevnom listu velikog tiraža s ciljem da bude dostupan najširoj javnosti i internet stranici Općine Maglaj;
- pregleda prijave pristigle u roku utvrđenom oglasu;
- sastavi listu s užim izborom uspješnih kandidata koji ispunjavaju kriterije za izbor;
- obavi intervju sa kandidatima koji su ušli u uži izbor;
- zatraži od kandidata koji su ušli u uži izbor da popune obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja;

- od kandidata koji su ušli u uži izbor zatraži da daju podatke o odgovarajućem broju ranijih neposrednih rukovodilaca od kojih se mogu dobiti preporuke i informacije o kandidatima;
- predloži odgovornom javnom službeniku, Općinskom vijeću Maglaj, pismenom preporukom rang-listu sa najboljim kandidatima na dalje razmatranje.

**Član 4.**

Ovo Rješenje stupa na snagu danom donošenja i objavit će se u „Službenim novinama Općine Maglaj“.

Broj: 02-04-1-1937/24

Maglaj, 13.12.2024. godine

**PREDSJEDAVAJUĆA**  
**Aida Bašić s.r.**

**576.**

Na osnovu člana 4. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj:12/03, 34/03 i 65/13) i člana 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08), Općinsko vijeće Maglaj na 1. redovnoj sjednici održanoj 13.12.2024. godine donosi

**RJEŠENJE****o imenovanju dva člana Upravnog odbora JU „Dom zdravlja“ Maglaj na kraći period****Član 1.**

Imenuju se dva člana Upravnog odbora JU „Dom zdravlja“ Maglaj na kraći period, do okončanja procedure izbora i imenovanja, a najduže do tri mjeseca, u sastavu:

1. Enes Hasanić, član ispred Osnivača
2. Emina Ramić, član ispred Stručnih radnika zdravstvene ustanove.

**Član 2.**

Imenovanje iz člana 1. traje najduže tri mjeseca i isto se ne može ponoviti.

**Član 3.**

Ova Odluka stupa na snagu danom donošenja i ista će se objaviti u „Službenim novinama Općine Maglaj“.

Broj: 02-04-1-1954/24

Maglaj, 13.12.2024. godine

**PREDSJEDAVAJUĆA**  
**Aida Bašić s.r.**

**SADRŽAJ****AKTI OPĆINSKOG VIJEĆA**

571.	ODLUKA o pristupanju djelimičnoj izmjeni Regulacionog plana „ STARI GRAD ” Maglaj	226
572.	ODLUKA o pristupanju djelimičnoj izmjeni Regulacionog plana “ NOVI ŠEHER” Maglaj	227
573.	RJEŠENJE o razrješenju dva člana Upravnog odbora JU „Dom zdravlja“ Maglaj .....	228
574.	ODLUKA o pokretanju procedure izbora i imenovanja dva člana Upravnog odbora JU „Dom zdravlja“ Maglaj .....	228
575.	RJEŠENJE o imenovanju Komisije za izbor na upražnjene pozicije u Upravni odbor JU „Dom zdravlja“ Maglaj .....	229
576.	RJEŠENJE o imenovanju dva člana Upravnog odbora JU „Dom zdravlja“ Maglaj na kraći period .....	229